

# Күндтә багш

1927 джилд комсомолин дуудварар Иджлин көвәд бәәдг хотнд Гомба Бембинович Бевинов эклдж багшар көдлсмн. Терүнәс нааран 32 джил болв. Арвн тавн джилд селгән угагъар Хальмг Базр гидг поселкд бичкд сургъв. Сибирьт эклц школин заведующ болдж көдлв. Ода хойр джил Никольск долан джилин школд хальмг келнә багш болдж көдлджәнә. Альднь болвчн гольшг советск багш седклән тәвдж, сургъульчнртан сән медрл өгхәр чидлән нөл уга көдлсмн.

Гомба Бембиновичин сургъсн сургъульчнр, дживр зүүгъәд, үүрәсн нисдж гарсн шовуд мет, мана республикәр көдлджәхнъ дала. Тедн дунд багшнр, эмчнр, агрономс, инженермүд бәәнә. Ода күртл багшдан сургъульчнрнъ ханлтан келдж, селвг сурдж бичцхәнә.

Гомба Бембиновичин олдн тустагъар кесн көдлмшнъ басл ик. Багъ наста көвүн цагтан селәнә әдл-ахуд коллективизац болхд шунмгъагъар орлцсмн. Иджлин көвән баячудин әдл-ахут олна кедж тохрулхд чидлән нөл уга көдллә.

Коммунист үр Бевинов марксизм-ленинизмн теориг олдн әмтн медргәр цәәлгъдж өгнә. Юстинск поселкин Советин депутат болад олдн туста көдлмшт икәр орлцна.

Багшин кесн ачинь Төрскн мартсн уга. Нертә часар, Күндлгәнә грамотар ачлгдәд, кесг дакдж мөнъгәр мөрәлгдсмн.

Хальмг келн әмтн Арәсәд сән дурарн ирдж орад 350 джил болсн өбнд «Күндлгәнә темдг» гидг орденәр ачлгдәв.

Мана орн-нутгин школмуд шин зурагъар көдлджәх түрүн джилд, медрлтә көгшн багш чидлән нөл уга сургъульчнртан сән медрл өгхәр шундж йовна.

С. ПИСАРЕВНЕР.